




Ukuhlomisa izingane zethu
ngelikusasa

RI 1

**Isihloko sesifundo: Ukugcwaliseka kwesithembiso - ukuzuza
iKhanani**

Umhlahlandlela womzali

Isikole sangeSonto Isikole sasekhaya



Mzali Othandekayo

Uyamukelwa **Ukugcwaliseka kwesithembiso - ukuzuza iKhanani**

Lomqulu ukunika umhlahlandlela ofanele wokuba ungasethula kanjani lesi sifundo.

Ungasilungiselela futhi uthule kanjani lesi sifundo

Nanka amanye amasu ngezansi wokulungiselela nokwethula lesi sifundo:

Isinyathelo	Okufanele ukwenze
1.	Finyelela ku Webhusayithi ye-New Apostolic Church ngokufaka noma ngokuchofaza kusixhumanisi esilandelayo kusuka ku-WhatsApp: https://bit.ly/3NACSSHS
2.	Qoqa lezizinsiza zokufunda ezilandelayo ukuze uqiniseke ukuthi usihlomele lesisifundo: • IBhayibheli • Isifundo ngefomethi ye-PDF esivele silungisiwe • Incwadi yengane yokusebenzela kanye namapensele, amakhilayoni, njll. • I-Vidiyo kiliphi okuyisiza sokufunda esingezekile / isisiza sokufunda ongazikhethela ngokuthanda kwakho • Ikhathekizimu yemibuzo nezimpendulo (Ikakhulukazi kulesisifundo sesiQinisiso). Qaphela: 2.1: Isikhathi esifanele sokuthulwa kwalesisifundo, kungemuva kwenkonzo yangeSonto ekuseni, ngokuhambisana nesikhathi sesikole sangeSonto ukuze kugcinwe inqubo yesikhathi esijwayelekile. 2.2: Uyacelwa ukuba ugcine isifundo sibe mfushane uma kunokwenzeka, khumbula izinga lokunaka kwezingane zethu (gxila esifundweni) - uyazi kangcono ingane yakho! <i>Isikole sangeSonto ngokuvamile asidluli imizuzu engama-45.</i> 2.3: Lesisifundo silungele ibanga RI 1. 2.4: Uyacelwa uthinte uThisha wakho wesiQinisiso uma udinga noma yiluphi usizo noma uma udinga ezinye izinsizakufunda kulezi ezingenhla.
3.	Khuleka (bheka umkhuleko osekugcineni kwalomqulu) bese ucela uNkulunkulu ukuba akusebenzise njengethuluzi ukwethula isifundo ngendlela Yena afuna ukuba uthule ngayo.



Fundisa lesisifundo sesikole sangeSonto ekhaya

Ungasilungiselela futhi usifundise kanjani lesisifundo

Siyaqhubeka nokwabelana ngezululeko ezithile zokuthi ungasilungiselela futhi usifundise kanjani lesisifundo:

Isinyathelo	Okufanele ukwenze
4	Yenza indawo ilungele ukufundisa engenaziphazamiso lapho wena nengane / nezingane nisezingeni elifanayo. Isibonelo: Hlala phansi ocansini noma eduze kwetafula.
5	Funda kulesisifundo. Phinda ufunde futhi isifundo ukuze usiqondisise kahle. Bukela lesisifundo sevidiyo kiliphu ukuze uthole ukuqonda okungcono ngalesisifundo.
6	Zenzele amanothi ngamaphuzu abalulekile ongathanda ukuwakhumbula.
7	Yazi inhloso yalesisifundo ingane yakho okufanele siyikhumbule.
8	Yethula lesisifundo enganeni yakho noma uyifundele lenandaba uma uthanda.
9	Khombisa ingane yakho ividiyo bese uphinde ubuyekeze incazelo yayo.
10	Khombisa ingane yakho umsebenzi okufanele iwenze encwadini yayo yokusebenzela.
11	Khuleka, noma ucele ingane yakho ukuba ikhuleke bese uphetha isifundo.

Izinsiza zokufunda ezitholakalayo mayelana nokufundisela ekhaya.

Nazi ezinye izinsiza zokufunda zokungezelela lesisifundo sibe sezingeni leqophelo:

1. I-WhatsApp. Xoxani ngesifundo se – RI 1 nomunye umndeni osifundayo nawo.
2. Xoxisanani ngesifundo nabanye abazali ukuze uthole ukuchazeleka kahle mayelana nesifundo ngaphambi kokuba sifundiswe.
3. Khululeka ukwenza olwako ucwaningo ukuze uthole ulwazi olungezekile.
4. Khuluma noMxhumanisi webandla lakho noma uThisha.



Isifundo

Isihloko	Ukugcwaliseka kwesithembiso - ukuzuza iKhanani
Umbhalo weBhayibheli	UNumeri 27: 18 - 23; UDuteronomi 34 noJoshuwa 3 – 12
Inhloso yesifundo	Izingane zifunda ukuthi uNkulunkulu uzosigcwalisa isithembiso saKhe.

Isifundo esifingqiwe:

- Ekupheleni kohambo lama-Israyeli lweminyaka engamashumi amane ehlane, uNkulunkulu wathi kuMose ngeke angene eZweni lesiThembiso nokuthi uzokufa kungekudala.
- UMose wacela uNkulunkulu ukuthi akhethe umholi omusha wabantu futhi uNkulunkulu wakhetha uJoshuwa. UMose wabe esethula uJoshuwa ku-Eliyezari nakubantu, wabe esebeka izandla kuJoshuwa wammisa njengomholi omusha.
- Wakhumbuza ama-Israyeli ngalokho abahlangabezana nakho phakathi kohambo lwabo futhi wabakhuthaza ukuba bathobele imiyalo nemithetho yeNkosi. INkosi izoqhubeka nokuba nabo. UMose wacela wonke umuntu ukuba alandele uJoshuwa futhi ukuba baqhubeke nokuthembela kuNkulunkulu, owabasiza ukuba bathathe iZwe lesiThembiso.
- UNkulunkulu wahola uMose wakhuphukela esiqongweni seNtaba iNebo wamvumela ukuba abone iZwe lesiThembiso. UMose washona, wembelwa khona entabeni.
- UNkulunkulu wabe esekhuluma noJoshuwa futhi wamyala ukuba ama-Israyeli aqoqe ukudla, okwanele izinsuku ezintathu, bese bathutheleka emfuleni iJordani. INkosi yathembisa isimangaliso ukubenza bakwazi ukuwela umfula bese bafika eKhanani.
- Ngaphambi kokuwela uMfula iJordani, uNkulunkulu wathi kuJoshuwa: "Khetha amadoda ayishumi nambili, esizweni ngasinye, uyale yilowo nalowo ukuthi athathe itshe emahlombe abo endaweni lapho abapristi beme khona emfuleni. Batshele ukuthi babeke amatshe phansi lapho nikanisa khona namhlanje kusihlwa."
- Amisa amatende eGiligali, empumalanga yeJeriko, futhi lapho, uJoshuwa wamisa lamatshe ukuba abe yisikhumbuzo sosizo lukaNkulunkulu ukuba bawele umfula iJordani.
- Ngokwentando kaNkulunkulu, iJeriko lalingumuzi wokuqala ama-Israyeli okwakumelwe awuthumbe.
- Yayizungezwe udonga oluqinile futhi kwakubonakala kungenakwenzeka ukuthumba lomuzi. Kepha, uNkulunkulu waphinda wahlela isimangaliso.
- Ngokulandela imiyalo kaNkulunkulu, u-Israyeli futhi wathumba amadolobha angamashumi amathathu nanye asele.
- Manje sebengathatha ifa laseKhanani futhi isithembiso sikaNkulunkulu sagcwaliseka.



Sisho ukuthini lesisifundo kithina namhlanje na?

● KuJohane 14: 3, uJesu Kristu uthembisa ukusilungiselela indawo ezulwini nokuthi uzobuya azosithatha asimikise kuYe.

● Lesisithembiso sizogcwaliseka futhi kufanele silungiselele lolusuku lapho uJesu ebuya ukuzosilanda.

Silungiselela kanjani ukubuya kukaJesu Kristu na?

- Sifunda futhi silalela izwi likaNkulunkulu.
- Siyakholelwa futhi siyalithemba izwi likaNkulunkulu.
- Silalela izwi likaNkulunkulu futhi
- Sibamba iqhaza emsebenzini kaNkulunkulu ngothando nangentokozo.

Yenza umsebenzi 1, 2 no-3 nengane yakho.

Izimpendulo zomsebenzi 1:

Isitatimende	Incwadi efanele
Amavulandlela amabili anokholo kuNkulunkulu.	G
Lapha uNkulunkulu wamemezela imiYalo eyiShumi.	D
INkosi yakhetha laba bafowethu ababili njengabaholi.	I
Ukondliwa phakathi nohambo ogwadule.	C
Igama lokuhlala kukaNkulunkulu phakathi kwabantu baKhe.	F
Azange baphele amandla phakathi neminyaka engamashumi amane.	H
Ibhokisi okwakugcinwa kulo izibhebhe ezinemiYalo eyiShumi.	E
Bahlengwa ebuthweni laseGibhithe.	A
Bakhombisa abantu indlela.	B

Izimpendulo zomsebenzi 3: Qedela amalebula kumephu

C = IKhanani	M = INtaba iNebo	E = IGibhithe
J = Jeriko	D = ULwandle oluFile	R = ULwandle oluBomvu
G = IGiligali	M = ULwandle iMedithera	M = INtaba iSinayi (iHorebi)



Eminye imibuzo esingayibuza:

1. Wayeneminyaka emingaki uMose mhlazane efa na?

Impendulo: Iminyaka engama -120 ubudala

2. Ingabe ngubani obekumele akhethe umholi omusha wama-Israyeli na?

Impendulo: UNkulunkulu

3. Ngubani uNkulunkulu amkhetha njengomholi omusha na?

Impendulo: UJoshuwa

4. Kwakungubani igama lomuzi wokuqala owathunjwa ama-Israyeli na?

Impendulo: IJeriko

5. Ingabe ama-Israyeli aphumelela kanjani ukunqoba yonke imizi esezweni laseKhanani na?

Impendulo: Balandela ngokuqondile imiyalo kaNkulunkulu; UNkulunkulu wabasiza

6. Yini uJoshuwa ayenza eGiligali ngamatshe ayi-12 na?

Impendulo: Wakha isikhumbuzo ngosizo lukaNkulunkulu ekuweleni umfula iJordani

UMkhuleko kaBaba noMama ngaphambi kwesifundo:

Nkulunkulu othandekayo, ngiyakubonga ngalolusuku

Busisa bonke abazali nezingane

Sengathi singabuzwa ubukhona baKho

Busisa isifundo esizoba naso

Sicela usifundise ukukukhonza

Futhi usisize ukwenza intando yaKho

Ukuze sikhule sisondele kuWe

Thumela uJesu azosilanda

Futhi kwangathi singalungela ukuhlangana naYe

Amen